

Headline
Date
Media Title
Section
Circulation
Readership

R&D gubal dasar pendidikan khas
29. Apr 2008
Berita Harian
Nasional
217920
2083000

Language
Page No
Article Size
Frequency
Color
MALAY
13
200 cm2
Daily
Full Color



R&D gubal dasar pendidikan khas

3 IPT bekerjasama kaji program pelajar istimewa

Oleh Srihanasham Noordin

JOHOR BAHRU: Kementerian Pelajaran mengadakan kerjasama dengan tiga universiti tempatan yang menjalankan penyelidikan dan pembangunan (R&D) berkaitan pelajar berkeperluan pendidikan khas bagi merangka, menggubal dan melaksana dasar untuk pelajar istimewa di negara ini.

Ketua Pengarah Pelajaran, Datuk Alimuddin Mohd Dom, berkata hasil kajian tiga universiti itu, Universiti Putra Malaysia (UPM), Universiti Islam Antarabangsa Malaysia (UIAM) dan Universiti Sains Malaysia (USM) mengenai pendidikan khas dapat membantu kerajaan merencana sistem pendidikan khas negara.

Beliau berkata, hasil penyelidikan itu boleh dijadikan asas menggubal dasar dan diperluaskan untuk pem-

binaan kokurikulum, latihan, infrastruktur dan peralatan, penentuan anggaran belanjawan dan pengajaran pembelajaran.

Katanya, inisiatif diambil pelbagai pihak yang menjalankan penyelidikan itu dapat menjimatkan masa dan kos kerajaan dalam merancang, melaksana dan memantau program pen-

“Antara hasil kajian universiti diterima pakai kerajaan babitkan pendidikan khas bagi pelajar disleksia”

Alimuddin Mohd Dom
Ketua Pengarah Pelajaran

didikan khas menyebabkan hasil kajian berkenaan patut dihargai.

“Antara hasil kajian universiti diterima pakai kerajaan membabitkan pendidikan khas bagi pelajar yang mengalami disleksia.

“Kita mendapati banyak lagi hasil kajian lain yang boleh diguna pakai dalam meningkatkan kualiti pembelajaran dan pengajaran pendidikan khas,” katanya selepas merasmikan Seminar Pendidikan Khas Kebangsaan Ketujuh 2008 di Pusat Konvensyen Persada Johor, di sini, semalam.

Seminar empat hari bertajuk Penyelidikan Empirikal Menjana Kecemerlangan Pendidikan Khas itu dihadiri kira-kira 200 peserta terdiri daripada pegawai Kementerian Pelajaran, Jabatan Pelajaran negeri, guru, wakil pertubuhan bukan kerajaan (NGO), swasta dan universiti.